



Llywodraeth Cymru  
Welsh Government

## Hysbysiad Gwybodaeth Cyllid Myfyrwyr Cymru

**SFWIN 05/2020**

**Trefniadau cyllido ym mlwyddyn academiaidd 2020/21 ar gyfer myfyrwyr addysg uwch cymwys y mae Covid-19 yn effeithio arnynt**

Medi 2020

## **Trefniadau cyllido ym mlwyddyn academiaidd 2020/21 ar gyfer myfyrwyr addysg uwch cymwys y mae Covid-19 yn effeithio arnynt**

1. Mae Llywodraeth Cymru wedi cytuno y bydd y mesurau canlynol yn cael eu rhoi ar waith o 1 Awst 2020 ar gyfer myfyrwyr addysg uwch israddedig ac ôl-raddedig - myfyrwyr newydd a'r rhai sy'n parhau â'u hastudiaethau - sy'n cael eu hatal rhag mynychu eu cyrsiau'n bersonol oherwydd Covid-19 ym mlwyddyn academiaidd 2020/21.
2. Bydd Llywodraeth Cymru yn parhau i fonitro'r sefyllfa.

### **Myfyrwyr sy'n cael eu hatal rhag mynychu cwrs yn bersonol**

3. Bydd yr holl gyrsiau dynodedig sy'n cael eu mynychu'n bersonol fel arfer, ond y mae'r dysgu wedi symud un ai'n gyfan gwbl neu'n rhannol ar-lein oherwydd Covid-19, yn denu'r pecyn arferol o gymorth ffioedd dysgu a chynhaliaeth yn 2020/21. Bydd myfyrwyr ar y cyrsiau hyn yn cael eu trin fel myfyrwyr sy'n dilyn eu cwrs ac sy'n gymwys i wneud cais am gymorth ar yr amod eu bod yn parhau i ymroi i'w cwrs yn foddhaol. Mae hyn hefyd yn berthnasol i gyrsiau Meistr a Doethuriaeth ôl-radd.
4. Bydd cyrsiau sydd fel arfer yn cael eu cynnal drwy ddysgu o bell, lle nad yw'n ofynnol i fyfyrwyr fod yn bresennol yn bersonol yn rheolaidd, yn parhau i ddenu'r un pecyn cymorth ffioedd dysgu a cynhaliaeth ag y byddent fel arfer yn 2020/21. Yn unol â'r polisi presennol, nid yw'r rhai sy'n dilyn cwrs drwy ddysgu o bell yn gymwys i gael Grantiau ar gyfer Dibynyddion.

### **Myfyrwyr yn cael eu hatal rhag bod yng Nghymru**

5. I fod yn gymwys i gael cymorth a statws ffioedd cartref, rhaid i fyfyrwr ddod o dan un o nifer o gategoriâu cymhwys. Mae llawer o'r rhain yn ei gwneud yn ofynnol i fyfyrwr fod yn preswyl fel arfer yng Nghymru (neu ar gyfer rhai achosion, y DU) ar ddiwrnod cyntaf blwyddyn academiaidd gyntaf y cwrs. Pan fydd myfyrwr yn cael eu rhwystro rhag bod yng Nghymru wrth astudio ar gwrs dynodedig oherwydd Covid-19, ystyrir eu bod yn absennol dros dro ac ni fydd hyn yn effeithio ar eu cymhwysedd.
6. Efallai hefyd y bydd yn ofynnol i fyfyrwr fod â thair blynedd o breswyl arferol yn y DU a'r Ynysoedd (neu, mewn rhai achosion, yn yr AEE a'r Swistir) i fod yn gymwys. Mae absenoldeb dros dro yn annhebygol o effeithio ar hyn.

7. Ystyrir bod myfyrwyr cymwys a fyddai fel arfer yn dilyn cwrs dysgu o bell yng Nghymru (neu'r Deyrnas Unedig i fyfyrwyr a gychwynnodd ar y cwrs yng Nghymru), ond sy'n gorfod astudio o bell o'r tu allan i Gymru neu'r Deyrnas Unedig o ganlyniad i Covid-19, yn astudio yng Nghymru, a byddant yn gymwys i gael y pecyn cymorth arferol i fyfyrwyr.

### **Hawl myfyrwyr i gymorth costau byw**

8. Bydd hawl myfyrwyr israddedig i gael cymorth cynhaliaeth at gostau byw yn parhau i fod yn seiliedig ar ble mae'r myfyriwr yn byw am y rhan fwyaf o bob chwarter o'r flwyddyn academaidd.
9. Mae'r rheoliadau cymorth i fyfyrwyr yn gwneud darpariaeth i'r rheini sy'n byw mewn gwahanol leoliadau gael gwahanol symiau o gymorth cynhaliaeth. I'r rheini sy'n dechrau cwrs ar 1 Awst 2018 neu ar ôl hynny<sup>1</sup>, dyma'r lleoliadau:
- “byw gartref” – mae'r myfyriwr yn byw yng nghartref rhiant y myfyriwr tra mae'n ymgymryd â'r cwrs presennol;
  - “byw oddi cartref, astudio yn Llundain” – mae'r myfyriwr yn byw yn rhywle ar wahân i gartref rhiant y myfyriwr tra—
    - mae'n ymgymryd â chwrs ym Mhrifysgol Llundain,
    - mae'n ymgymryd â chwrs mewn sefydliad lle mae'n ofynnol iddo fod yn bresennol yn y flwyddyn academaidd ar safle sy'n gyfan gwbl neu'n rhannol yn Llundain, lle darperir o leiaf hanner unrhyw chwarter o'r cwrs ar safle o'r fath, neu
    - mae'n ymgymryd â chwrs rhyngosod yn y flwyddyn academaidd mewn sefydliad sy'n ei gwneud yn ofynnol i'r myfyriwr ymgymryd â phrofiad gwaith, neu gyfuniad o brofiad gwaith ac astudio, yn Llundain lle'r ymgymerir â'r profiad gwaith hwnnw, neu gyfuniad o brofiad gwaith ac astudio, am o leiaf hanner unrhyw chwarter;
  - “byw oddi cartref, astudio yn rhywle arall” – mae'r myfyriwr cymwys yn byw yn rhywle ar wahân i gartref rhiant y myfyriwr ond nid yw'n astudio yn Llundain, gan gynnwys mynychu sefydliad y tu allan i'r Deyrnas Unedig fel rhan o gwrs y myfyriwr neu ymgymryd â lleoliad gwaith tramor mewn blwyddyn Erasmus.
10. Bydd gan fyfyrwyr sy'n byw gartref am y rhan fwyaf o dymor oherwydd Covid-19 hawl i'r gyfradd gymorth briodol, ond gellir ailasesu hyn os bydd eu hamgylchiadau'n newid.

---

<sup>1</sup> Mae lleoliadau gwahanol yn berthnasol i'r rheini a ddechreuodd gwrs cyn 1 Medi 2018, ond mae'r egwyddor yn aros yr un fath.

11. Gall Covid-19 effeithio ar incwm aelwydydd oherwydd salwch, diweithdra, cyfnod ar ffyrlo neu oherwydd profedigaeth. Bydd myfyrwyr sydd wedi gwneud cais am gymorth cynhaliaeth ar gyfer 2020/21 ac sy'n credu y bydd incwm eu haelwyd ar gyfer y flwyddyn dreth gyfredol (2020-21) yn gostwng o leiaf 15% o'i gymharu â'r incwm aelwyd a ddarparwyd ganddynt pan gawsant eu hasesu i ddechrau, yn gallu gwneud cais am ailasesiad o'u hawl; gallai hyn arwain at hawl i grant cynhaliaeth uwch. Lle mae'n berthnasol, cymerir incwm y ddau riant, neu'r rhiant mwyaf priodol a'u partner, i ystyriaeth er mwyn penderfynu a ddylid cynnal ailasesiad o'r fath.